

四庫全書

史部

欽定四庫全書

欽定外藩蒙古回部王公表傳卷之七十

傳第五十四

扎薩克和碩超勇襄親王策凌列傳

策凌喀爾喀部人姓博爾濟吉特扎薩克親王善

巴再從弟祖丹津號班珠爾為賽因諾顏圖蒙肯

第八子生子納木扎勒號約蘇圖偉徵阿海子二

長即策凌次恭格喇布坦康熙三十一年丹津妻

格楚勒哈屯攜策凌及恭格喇布坦自塔密爾來

歸

詔授策凌三等輕車都尉

賜居京師

教養內廷

命編所屬佐領附察哈爾鑲黃旗駐牧四十五年尚和碩

純憲公主授和碩額駙尋

賜貝子品級

詔攜屬歸牧塔密爾五十四年

上幸塞外

駐蹕布爾哈蘇台策凌來朝

諭赴推河隨北路大軍防禦策妄阿喇布坦五十九年大

軍由阿爾台分路進剿策凌隨振武將軍傅爾丹  
擊賊布拉罕路至格爾額爾格擒準噶爾宰桑貝  
坤等百餘人斬獲甚衆復焚其糧於烏蘭呼濟爾  
軍旋次哈達青吉勒遇賊援擊敗之六十年授扎

薩克雍正元年

諭曰額駙策凌自出師以來從征効力甚屬奮勉著封多  
羅郡王以示殊眷二年入

覲時撤北路大軍

詔策凌偕同族親王丹津多爾濟貝勒博貝留駐阿爾台  
各授副將軍三年

詔策凌軍用正黃旗纛四年奉

命勘阿爾台形勝五年偕內大臣伯四格等赴楚庫河與

俄羅斯使薩瓦立石定界陳兵鳴礮謝天議罪應  
削爵

詔罰俸三年免削九年秋隨靖邊大將軍順承親王錫保  
討噶爾丹策凌傾賊由和通呼爾哈諾爾窺圖壘  
茂海奎素諸界偕翁牛特部貝子羅卜藏等分兵  
却之冬十月偕丹津多爾濟大敗準噶爾賊于蘇  
克阿勒達呼準噶爾有大策凌敦多卜小策凌敦  
多卜皆噶爾丹策凌族最用事是役也大策凌敦

多卜擁衆三萬謀掠喀爾喀聞順承親王駐察罕  
度爾科布多復有振武將軍傅爾丹軍不敢進潛  
遣將海倫曼濟等取道阿爾台迤東以賊衆六千  
分掠克嚕倫及鄂爾海喀喇烏蘇留餘衆于蘇克  
阿勒達呼為之援策凌等迎擊之至鄂登楚勒授  
台吉巴海兵六百令宵入賊營誘賊將貢楚克扎  
布喀喇巴圖魯等來追伏兵擊之斬喀喇巴圖魯  
餘衆潰大策凌敦多卜及海倫曼濟等遁

諭曰額駙郡王策凌督率弁兵奮勇爭先擊敗準噶爾甚屬可嘉著晉封和碩親王賞銀一萬兩以示獎勵十一月

諭議勦賊方畧尋授喀爾喀大扎薩克十年六月小策凌敦多卜復糾衆三萬由奇蘭至額爾德畢喇色欽策凌偕將軍塔爾岱禦之於本博圖山未至賊掠克爾森齊老策凌等反旆擊相拒二日以丹津多爾濟援兵不至賊遂趨額爾德尼昭八月策凌追

賊十餘戰賊屢敗小策凌敦多卜據杭愛山麓逼鄂爾坤河而陣策凌麾衆疾攻斬馘萬餘獲畜械無筭小策凌敦多卜遁順承親王馳告捷首表策凌功

上深嘉之

賜超勇號

諭曰準噶爾賊衆越察罕瘦爾軍營至杭愛山肆其猖獗額駙親王策凌尾追千里至鄂爾坤之額爾德尼昭奮

勇攻擊將三萬賊衆殲除殆盡為國輸誠忠勇超絕其  
特賜黃帶以旌異之此次軍功非尋常勞績可比隨征  
官兵著從優議敘其隨策凌在克爾森齊老擊賊者並  
著加倍優叙冬十月以厄魯特降衆居張家口者編三

佐領

賜策凌轄之復以策凌轉戰不得歸牧咸屬為小策凌敦  
多卜所掠牧產多失

上憫之

諭給馬二千牛千羊五千銀五萬并察賑所屬失業者尋  
命築塔密爾城建瓦屋居之十二月授固倫額駙以純憲

公主已薨追贈固倫長公主十一年定邊大將軍

平郡王福彭統大軍駐烏里雅蘇台

詔策凌佩定邊左副將軍印進屯科布多尋授盟長十二

年二月

上以烏里雅蘇台距科布多遠

諭進勦機宜悉聽策凌總理五月

詔來京議軍務七月撤科布多軍駐察罕瘦爾十三年三  
月噶爾丹策凌乞和表稱阿爾台舊係厄魯特牧  
杭愛舊係喀爾喀牧請由哲爾格西喇呼魯蘇至  
巴里坤畫界分守

詔策凌議因言往者喀爾喀游牧尚未至哲爾格西喇呼  
魯蘇應如所請但喀爾喀汎原設阿爾台迤東科  
布多額貝和碩和通額博布延圖託爾和烏蘭等  
處並在哲爾格西喇呼魯蘇界外應設汎如故至

準噶爾游牧應以額爾齊斯及阿爾台為界策妄  
阿喇布坦存日游牧和博克薩哩察罕呼濟爾迤  
西數年來漸越額爾齊斯賊性狡請令毋越阿爾  
台為永禁計

上贊其議

諭噶爾丹策凌曰夫阿爾台之屬厄魯特乃噶爾丹從前  
之事爾準噶爾並未越此游牧乃謂為厄魯特牧地可  
乎且喀爾喀尚不令近阿爾台原欲兩界稍遠免啟爭

端而可令爾居之乎爾父在時曾請將阿爾台山梁外  
哈道里哈達青吉勒布拉青吉勒三處不必置為閒地  
朕未允行今特欲安逸衆生將此三處屬爾祇自克木  
齊克汗騰格里上阿爾台山梁由索勒畢嶺下哈布塔  
克拜達克之中過烏蘭烏蘇羅卜諾爾直抵噶斯口為  
界并自呼遜托輝至喀喇巴爾楚克悉作閒地爾其遵  
諭行九月

皇上御極策凌請入

覲

諭曰準噶爾乞和定界事尚未決防守正宜嚴密不可暫離軍營俟夷使到日再行來京乾隆元年正月撤大軍還

詔策凌統喀爾喀兵千五百駐烏里雅蘇台及鄂爾坤尋

諭王大臣曰額駙超勇親王策凌總統北路軍營伊母現居京師不得朝夕定省恐其思念不置著送歸游

牧用慰孝思并賞整裝銀五千兩二月遵

旨議駐兵備邊請選喀爾喀兵三千赴鄂爾坤防秋從之二年四月噶爾丹策凌貽策凌書欲仍游牧阿爾台稱策凌為車臣汗策凌獻其書

詔以已意答之策凌奏遣台吉額墨根持書往報書曰阿爾台乃天定邊界爾父琿台吉時阿爾台迤西原無厄魯特游牧自滅噶爾丹以來我等建城駐兵其地衆所共知其不令爾游牧者原欲以此為

閒地兩不相及以息爭端耳今台吉反云難以讓  
給試思阿爾台果係誰地誰能讓給爾誠遵  
旨定議我必不為禍始亦不復向科布多居住又謂我  
等置哨逼阿爾台宜向內撤夫哨兵乃

聖祖仁皇帝時所設至今並未外移即定議地界哨兵豈  
能不設爾台吉其自思之十一月準噶爾使至

名策凌馳來京主其議三年三月以準噶爾未遵  
旨指明地界

飭使還十二月噶爾丹策凌遣使哈柳奉表至請循布  
延圖河南以博爾濟昂吉勒圖烏克克嶺噶克察  
等處北以遜多爾庫奎多爾多輝庫奎至哈爾奇  
喇博木喀喇巴爾楚克等處為界厄魯特邊人仍  
在阿爾台山後游牧并乞令托爾和布延圖哨兵  
向內移

詔  
弗允四年正月

命哈柳往見策凌哈柳曰額駙游牧部屬盡居喀爾喀

地何弗居彼策凌答曰我

主居此予惟隨

主而居喀爾喀地特予游牧耳哈柳又曰準噶爾尚有額駙子何不令來京答曰予蒙

恩尚公主公主所出乃為予子他子無與也即爾準噶爾送還予亦不以為子當奏

聞誅之二月哈柳還十月復至請如原議毋踰阿爾台  
蓋自與準噶爾議界策凌凡三至京議始定十二

月

諭曰額駙超勇親王策凌入覲朕諭以噶爾丹策凌送所掠喇嘛羅卜藏西瓦還時曾言車臣汗子現在準噶爾若念之當即送還策凌奏臣受國恩至優極渥前準噶爾掠臣二子若等不即自盡尚復苟且偷生全不知恥臣欲得此不肖子何用且與國事無益噶爾丹策凌性本狡詐臣若欲得二子彼必妄行干請所關非小國事為重臣斷無念子之心朕思父子關

乎天性策凌感激隆恩祇圖裨益國家顧惜大義不  
思復與其子相見朕心深為惻然思有以獎之伊長  
子成袞扎布人材出衆在軍前亦甚奮勉著加恩照  
宗室親王例封為世子以昭殊眷五年五月遵

旨勘定喀爾喀游牧母越扎布堪齊克慎哈薩克圖庫  
克嶺等處與準噶爾各守定界十月請專用喀爾  
喀兵防汎

允之即

命策凌督調六年請給鄂爾坤及烏里雅蘇台駐防兵

銀米

詔從所請行尋因策凌年老

諭移軍營於塔密爾七年

御題詩扇

賜之十二年入

覲

優賚遣歸十五年薨訃至

上軫悼

諭曰定邊左副將軍固倫額駙喀爾喀大扎薩克和碩超勇親王策凌以名藩尚主班崇懿戚在

聖祖仁皇帝時即已宣力邊陲勲猷茂著

世宗憲皇帝眷注優隆晉爵親王任專閫外身先血戰殄靖狡寇偉績丕昭益勤忠蓋朕以王為

兩朝勲舊倚毗彌殷寄重長城倍加渥澤前聞遘疾遄命賜藥選醫令伊次子車布登扎布馳驛侍奉復遣乾

清門侍衛德山前往存問方期漸就痊可忽聞溘逝  
深為軫惻著加恩賜銀一萬兩治喪即命德山等往  
奠茶酒允伊遺奏合宜固倫純憲公主園寢著伊長  
子成袞扎布扶櫬來京俟到京日朕親臨奠釅所有  
應行典禮俱照宗室親王例考謚建碑具如儀式自  
昔功臣勲戚侑食廟廷以王之功宜配享

太廟雖蒙古親王從未有與配享者朕以王功在王室名  
勒旂常簡在久孚宜膺特典且令衆蒙古知朕崇獎

賢勞中外一體俾共知感奮益切勸勉并照和碩怡  
賢親王例崇祀賢良祠永垂秩祀以示朕酬庸展親  
優賢篤舊至意

賜謚曰襄

御製七言詩悼之有不必讀書知大義每於臨陣冠三  
軍之句子八列譜者六長成袞扎布襲扎薩克親  
王次車布登扎布封扎薩克郡王別有傳次蘇巴  
什里次扎木禪多爾濟均封公品級次額琳沁多

爾濟授一等台吉追封公品級別有傳次西勒格  
圖呼圖克圖

一次襲成袞扎布策凌長子康熙五十九年隨大  
軍擒準噶爾宰桑貝坤雍正十年勦賊額爾德尼  
昭有功授一等台吉乾隆元年封固山貝子授所  
部副將軍尋遵

旨議駐兵防邊奏選喀爾喀兵駐庫卜克爾干特斯千  
卓克索等處五千各築城有事則入保拜達里克

察罕瘦爾推河塔密爾所駐內地兵悉撤還惟鄂爾坤應暫駐滿洲蒙古兵萬備防禦

報聞四年封世子八年扈

駕詣盛京

賜杏黃轡十五年二月襲扎薩克和碩親王兼授盟長

六月

諭曰額駙超勇襄親王策凌為國家竭誠宣力

世宗憲皇帝授以定邊左副將軍重任訓兵飭備準夷憚

服喀爾喀賴以寧謐實為勲戚重臣不意溘逝所遺  
缺甚屬緊要簡任務在得人成袞扎布係伊長子前  
在軍營懋著勞績才具實堪勝任雖此非世襲之職  
而因才器使有所弗拘著授為定邊左副將軍務益  
勵忠勤勉成父志以副特簡毗任之意十六年三月  
奏守汎弁兵私與界外回衆互市致爭請嚴鞫

詔勿株連嗣後嚴禁九月回衆至伊都克汎仍乞市成  
袞扎布檄守汎侍衛飭勿再至復遣土謝圖汗部

扎薩克台吉車布登往驅之十七年三月率兵三千環屯塔密爾軍營十二月來朝奏每年鄂爾坤及烏里雅蘇台駐喀爾喀防秋兵二千外四部各有備用兵扎薩克圖汗部千賽因諾顏部二千土謝圖汗部三千車臣汗部四千俱在游牧預備距軍營近僅數日遠亦不過旬餘若盡調烏里雅蘇台糧馬由各部派給將滋累請仍居本游牧聽調從之十八年杜爾伯特台吉車凌等攜衆降成袞

扎布檄扎薩克圖汗部貝勒車登扎布車臣汗部  
副將軍公格埒克巴木丕勒各以兵千赴烏里雅  
蘇台防準噶爾追兵有宰桑禡木特者引兵二百  
來追擅入界

諭勿縱還巢禡木特逸

飭責之十九年三月

諭曰前因軍營無事額駙策凌年老就近以塔密爾作  
為軍營今有辦理烏梁海之事軍營應移駐烏里雅

蘇台以塔密爾作為內地尋與尚書舒赫德議防秋  
詔來京面授方畧四月罷定邊左副將軍職

命赴額爾齊斯督屯田二十年正月定北將軍班第統  
大軍勦達瓦齊成亥扎布請隨征

諭遵前旨赴額爾齊斯二月

詔暫駐烏里雅蘇台俟大軍行偕護軍統領塔爾瑪善  
往營屯田四月屯田兵由額爾齊斯移駐伊蘿圖鏗  
格爾七月伊犁平屯田兵撤還會包沁總管阿克

珠勒等叛遁成袞扎布偕塔爾瑪善沿途緝賊四十餘以未悉擒

諭停議敘十月包沁賊肯哲顏達什巴雅爾圖等竄伏烏隆古成袞扎布擊斬之還駐烏里雅蘇台二年八月和託輝特逆賊青袞咱卜叛

命成袞扎布復為定邊左副將軍統師往擒先是青袞咱卜陰謀逆成袞扎布首發其狀

獎賜佩飾至是偕親王德沁扎布檄各游牧兵協勦復

令哲卜尊丹巴呼圖克圖諭所部知大義俾勿惑  
上嘉之故有是

命十月

賜三眼孔雀翎十一月以遣察哈爾營總炳圖喀爾喀  
護衛齊納圖往諭烏梁海侍衛巴圖孟克羅卜歲  
阿扎喇往諭和託輝特母附逆

優賜之十二月青袞咱卜就擒

諭曰親王成袞扎布奉命討罪實心効力迅奏膚功朕

甚喜之著賞杏黃帶封伊第四子占楚布多爾濟為  
世子以獎忠勤尋

命占楚布多爾濟代掌扎薩克青袞咱卜之叛也其部  
貝勒車登扎布助逆

上命二賊就擒後籍所屬給成袞扎布及弟郡王車布  
登孔布成袞扎布奏和託輝特屬有伊克和託  
輝特巴罕和託輝特明噶特哈柳沁托斯奢集努  
特六鄂拓克並烏梁海十六鄂拓克聞大兵至即

解尚知感戴和託輝特輔國公旺布多爾濟係貝勒博貝嫡嗣輔國公多爾濟車登台吉達什朋素克係博貝從子皆未附逕請令轄青衆咱卜屬至車登扎布助逆時台吉諾爾布率衆報烏里雅蘇台軍汎供應駝馬尚屬奮勉請授扎薩克令轄車登扎布屬庶伊等不致離析各扎薩克知感自必嚴加鈴束

獎協機宜

詔如議行尋叙捐馬助軍功得紀錄二十二年正月  
詔授定邊將軍統大軍赴巴里坤勦輝特逆賊巴雅爾  
諭曰將軍重任甚難其人成袞扎布熟悉蒙古事宜且  
深感朕恩誠心報効著授將軍印賜整裝銀五千兩  
伊子弟有願隨往者聽其指名具奏此次進兵非初  
進伊犁可比現在賊勢窮蹙擒剿甚易成袞扎布勤  
勞已久母庸久駐行間以示體恤十月以世子占楚

布多爾濟卒

命其長子輔國公額爾克沙喇代掌扎薩克十二月來朝

諭曰成袞扎布世篤忠貞夙諳軍旅前曾授定邊左副將軍永居邊陲嗣因巴雅爾作亂授定邊將軍統兵進剿朕思北路軍營關係甚重自平定伊犁以來拓地廣遠統轄匪易今復授為定邊左副將軍駐守烏里雅蘇台統領官兵綏柔邊境其勗之二十三年三

月

賜銀千兩

命攜孥赴軍四月以土爾扈特台吉舍稜遁俄羅斯  
詔馳赴科布多會勦時成袞扎布已領兵三百赴布延  
圖追勦奏至

諭獎之七月

命調兵緝烏梁海逃人恩克八月遷駐烏里雅蘇台尋  
遣兵緝烏爾都里克剗驛賊十二月奉

詔購駝馬解巴里坤二十四年二月遣兵追捕嗎哈沁

之盜馬者八月安置新撫烏梁海衆十月以回部

底定

命成衮扎布宣

諭衆喀爾喀知之十一月奏撤布延圖兵還烏里雅蘇  
台十二月來朝二十六年三月奏喀爾喀汎舊設  
阿爾台今準噶爾底定向時戍區俱成內地請  
展扎哈沁烏梁海喀爾喀等汎資耕牧業

詔會勘尋奏察罕布爾噶蘓所設汎

宜展至烏嚕木齊烏梁海內大臣察達克等勘已  
顏珠爾克至烏拉克沁伯勒齊爾及烏嚕木齊可  
設汎十五俱相隔百里為率軍機大臣遵

旨議奈曼明安舊汎應遠徙但千里長途喀爾喀難遙  
制應將附近烏嚕木齊之烏爾圖布拉克賽塔喇  
納里特濟木薩四汎令索倫綠旗兵駐防其蘇伯  
昂阿至烏拉克沁伯勒齊爾十一汎令成袞扎布  
督理從之二十八年來朝以督理烏梁海與哈薩

克互市協夷情

諭獎之二十九年四月奏烏里雅蘇台舊城圯應增修報可七月以勦索倫逃兵未疏奏

訓飭之十一月復奏烏里雅蘇台土浮難興版築舊城在齊格爾蘿特烏里雅蘇台二河間應照舊造木城增高丈六尺厚一丈周圍共五百丈內外排木柵中寢土東西南各置門壯迎河掘溝引水環之即以溝土築城

報聞三十一年額爾克沙喇卒

命次子輔國公伊什扎木楚代掌扎薩克三十六年成  
索扎布卒

賜銀千兩治喪子七長額爾克沙喇封貝子品級輔國  
公別有傳次伊什扎木楚襲輔國公次敏珠爾多  
爾濟封公品級次占楚布多爾濟封世子次納瑪  
愷多爾濟授一等台吉次德埒克多爾濟封輔國  
公次拉旺多爾濟襲扎薩克親王

二次襲拉旺多爾濟成袞扎布第七子尚固倫和  
靜公主授固倫額駙

賜雙眼孔雀翎尋封世子

命御前行走乾隆三十六年襲扎薩克和碩親王仍  
命輔國公伊什扎木楚岱掌扎薩克三十九年借大學  
士舒赫德勦山東逆賊王倫四十六年

詔世襲罔替

附 多羅貝勒恭格喇布坦列傳 令襲固  
山貝子

恭格喇布坦超勇襄親王策凌弟康熙三十一年

來歸

賜居京師

教養內廷尋尚郡主授固山額駙雍正元年

上念其性貞慤材超衆留任京秩不若遣赴軍可得力

特封多羅貝勒令隨兄効力未至卒於途子佛保降襲固

山貝子

一次襲佛保恭格喇布坦第四子雍正元年襲固

山貝子附伯父額駙策凌旗駐牧塔密爾十年準

噶爾賊掠額爾德尼昭道經塔密爾時策凌由察  
罕瘦爾軍營擊賊克爾森齊老牧地被掠不及救  
佛保陷賊兄沙克都爾扎布代襲貝子後大軍平  
定準噶爾佛保歸授輔國公互見彼傳

二次襲沙克都爾扎布恭格喇布坦長子雍正十  
年襲固山貝子乾隆二十年追擒包沁叛賊阿克珠  
勒及和濟木呼哩叙功

詔晉封多羅貝勒二十七年卒子敦多布多爾濟襲

三次襲敦多布多爾濟沙克都爾扎布次子乾隆

二十七年襲固山貝子尋授副盟長四十六年

詔世襲罔替

附  
貝子品級輔國公額爾克沙喇列傳今停襲貝子品級

額爾克沙喇親王成袞扎布長子初授一等台吉  
乾隆二十二年隨大軍勦輝特叛賊巴雅爾

詔封輔國公二十三年偕其弟占楚布多爾濟扈

駕木蘭行園

賜黃馬褂及紫纓

命乾清門行走尋叙擒賊莫羅達什扎布功

賜貝子品級二十四年嗎哈沁竊盜汎馬

詔郡王車布登扎布往捕成袞扎布奏遣額爾克沙喇

偕參贊大臣扎隆阿分路繼進

諭曰額爾克沙喇奮勇有為朕所深知與其同行不若  
獨往庶無掣肘可即赴扎隆阿營代領其衆但車布

登扎布已先行兩月餘盜馬賊人又非大隊著暫停  
前進成袞扎布亦奏言時近秋若令額爾克沙喇赴  
車布登扎布處馬力疲且薩拉布拉克汎邇被掠  
額爾克沙喇業起兵請自烏魯木齊赴察拉垓等  
處收馬緝賊兼令台吉烏木布濟率兵應  
報可尋

命赴哈薩克部界偵禦二十五年烏梁海為哈薩克部  
人巴圖克巴圖爾所掠額爾克沙喇獲被掠者詰

之告烏梁海游牧遠以故被掠且哈薩克汗阿布齊遣使至欲擒獻巴圖克巴圖爾

諭曰額爾克沙喇久駐哈薩克界可撤兵還即以朕旨宣諭云割掠烏梁海係巴圖克巴圖爾一人所為與其部長無涉使彼知之二十六年解伊犁牲畜道斃議償

詔免其半三十一年卒成袞扎布以額爾克沙喇子阿穆爾拜車布木達什幼其弟伊什扎木楚諳旗務

奏請襲爵並遣入

覲

許之

詔停襲貝子品級以伊什扎木楚襲輔國公阿穆爾拜  
車布木達什各授一等台吉

一次襲伊什扎木楚親王成袞扎布次子初授一  
等台吉乾隆三十一年襲輔國公三十二年扈

駕木蘭行圍

賜黃馬褂

命乾清門行走四十六年

諭曰伊什扎木楚所襲輔國公係伊兄額爾克沙喇効力軍營所封之爵著加恩令其世襲罔替出缺後仍以額爾克沙喇子請旨承襲

附 輔國公佛保列傳

佛保初襲貝勒為準噶爾所掠見其父貝勒恭格喇布坦傳乾隆二十二年準噶爾平佛保自伊犁

歸

賜公品級先是佛保陷賊其兄沙克都爾扎布代襲貝

子二十八年沙克都爾扎布卒佛保及沙克都爾

扎布子敦多布多爾濟入

覲

詔敦多布多爾濟襲貝子而封佛保為輔國公

命乾清門行走三十六年卒子三丕勒敦多克襲

一次襲三丕勒敦多克佛保長子乾隆三十六年

襲輔國公四十六年

諭曰三丕勒敦多克所襲公爵係因伊父佛保陷賊復歸加恩所封著令其世襲罔替

附追封公品級一等台吉額琳沁多爾濟列傳

額琳沁多爾濟超勇襄親王策凌第五子初授一等台吉乾隆二十一年偕台吉旺辰多爾濟隨定邊左副將軍哈達哈勦撫烏梁海復進兵哈薩克以病痘卒

諭曰額琳沁多爾濟効力戎行歿于王事深可憫惻著  
加恩追封公品級以其子納遜多爾濟襲並賜銀二  
百兩治喪

一次襲納遜多爾濟額琳沁多爾濟長子乾隆二十  
一年襲公品級一等台吉四十六年理藩院議納  
遜多爾濟所襲公品級例弗應世襲俟出缺時請  
旨

詔如議

欽定外藩蒙古回部王公表傳卷之七十

欽定四庫全書

欽定外藩蒙古回部王公表傳卷之七十一

傳第五十五

扎薩克多羅郡王車布登扎布列傳

車布登扎布喀爾喀部人姓博爾濟吉特超勇襄  
親王策凌次子初授一等台吉雍正九年從勦準

噶爾賊於蘇克阿勒達呼

賜冠服十年由克爾森齊老赴額爾德尼昭擊賊力戰被

創

詔封輔國公

賜雙眼孔雀翎

命乾清門行走乾隆七年

命御前行走十六年授所部副將軍參贊十七年其兄

親王成袞扎布請析屬今車布登扎布轄自為一

旗

詔允其請別授扎薩克十九年七月以勦撫烏梁海偕

同部貝子車木楚克扎布擊宰桑察達克於察罕  
烏蘇十月獲宰桑車根及厄魯特台吉齊木庫爾  
降其衆復隨參贊大臣薩拉爾擒準噶爾宰桑庫  
克辛禡木特及通禡木特十二月叙功

賜貝子品級二十年大軍勦達瓦齊車布登扎布偕協  
理台吉達什由察罕呼濟爾以三百騎倍道馳至  
集賽擒宰桑齊巴漢偵達瓦齊居格登在伊犁河  
西急奪船渡達瓦齊遁車布登扎布隨軍追襲伊

犁平定北將軍班第表其功

詔嘉之晉封多羅貝勒會逆賊阿睦爾撒納謀據伊犁  
潛與其黨納噶察貽書哈薩克汗阿布齊詭言統  
領蒙古漢兵駐伊犁車布登扎布責納噶察曰爾  
等匿奉

天子命反若自統兵至可乎納噶察不從車布登扎布  
告將軍班第飭易書且密陳阿睦爾撒納擅奪掌  
桑鄂勒錐駝馬藉稱防禦哈薩克及布魯特私調

兵九千駐各路諸狂悖狀班第具以

聞蓋阿睦爾撒納謀逆同事者多不之察獨車布登扎

布發其奸師旋

命招降烏梁海部衆即令轄之二十一年春烏梁海賊酋

郭勒卓輝訛言哈薩克汗阿布賚與阿睦爾撒納

連和

詔車布登扎布以叅贊大臣隨定邊左副將軍哈達哈率師往勦有固爾班和卓者奇爾吉斯宰桑也攜

千餘戶潛赴烏梁海謀偕遁車布登扎布麾兵擊  
擒固爾班和卓誅其衆因進兵哈薩克界偕尚書  
阿里袞由伊什勒諾爾勦賊至汗扎爾會斬獲無  
算

上嘉其功晉封多羅郡王秋和託輝特逆賊青袞咱卜  
叛親王成袞扎布討之

詔車布登扎布還烏里雅蘇台協理軍務尋

命緝賊郭勒卓輝冬十月軍旋

賜三眼孔雀翎尋以兵七百赴克木克木齊克協勦青  
袞咱卜聞就擒乃還二十二年正月成袞扎布奉  
命以定邊將軍由巴里坤勦輝特叛賊巴雅爾

詔車布登扎布署定邊左副將軍印駐烏里雅蘇台八  
月遣兵擒附逆賊青袞咱卜叛逃之達瑪琳

優賚幣九月請遣烏梁海內大臣察達克率兵四百往  
招烏梁海博和勒納木扎勒等復由布延圖軍選

兵策應

上諭其議十月

諭曰車布登扎布辦理軍務皆合機宜較前大有進益  
明歲進兵著授兆惠為定邊將軍岱成袞扎布而以  
車布登扎布為之副即來京請訓喀爾喀王公內有  
能協同辦事之人伊即指名具奏毋庸派兵但將親  
隨人役酌量足用仍加恩賞銀二千兩以備整裝之  
用十一月奏派土謝圖汗部公品級扎薩克台吉三  
都布多爾濟一等台吉齊旺扎布賽因諾顏部扎

薩克台吉達什一等台吉敦多卜四等台吉庫爾  
奎等隨征聽調從之二十三年正月

詔授定邊右副將軍隨將軍兆惠由巴里坤進勦厄魯  
特餘賊及逆回霍集占三月兵至伊犁時叛酋阿  
睦爾撒納竄死逸賊阿巴噶斯哈丹舍稜布庫察  
罕哈薩克錫喇等未就獲車布登扎布奏遣兵赴  
哈什崆格斯搜逸賊

諭曰此等處所伊犁進兵時俱已經過何必重勞馬力

現今阿巴噶斯哈丹及舍稜等俱未殲除殊屬不知  
緩急伊等當自知愧悟益加奮勉車布登扎布奏請

赴塔爾巴噶台偵緝舍稜

諭曰當舍稜初遁時伊等若即尾追又有和碩齊堵截  
必為擒獲今已逋逃兩月餘豈尚在塔爾巴噶台坐  
待追兵耶可速赴額爾齊斯與成袞扎布等協力會

勦尋

諭赴博囉塔拉緝阿巴噶斯哈丹布庫察罕哈薩克錫

喇母庸復至額爾齊斯六月奏收服烏魯特得木齊  
托羅和卓六十餘戶於哈什河

諭即策應兆惠會布庫察罕為哈薩克部人察哈瑪巴  
圖爾所擒

諭曰前諭車布登扎布不必往追舍稜俟擒布庫察罕  
等即策應兆惠令聞布庫察罕見擒於哈薩克則哈  
薩克錫喇亦必竄伏其地車布登扎布速由塔爾巴  
噶台檄諭哈薩克阿布賚汗將哈薩克錫喇一體擒

獻先是哈薩克錫喇及宰桑鄂哲特等潛遁和落霍  
斯聞追急度不得脫悉衆據高岡侍衛瑪琥等以  
我兵少請待其走攻之車布登扎布持不可麾兵  
擊擒鄂哲特哈薩克錫喇僅以身免斬獲甚衆捷  
聞

詔以其父超勇號

賜之七月鄂哲特械至供稱副將軍車布登扎布身先  
士卒所向無前

上愈嘉歎

賜金黃帶

諭曰車布登扎布奮勇勦賊以少克敵不愧超勇之目  
前者舍稜逃遁伊未及尾追諒因不能兼顧亦事勢  
使然此時布庫察罕料哈薩克自必縛獻惟聞哈薩  
克錫喇逃西哈薩克部之特柳克參贊大臣富德兵  
少窮追似屬可虞昨諭車布登扎布策應自應前往  
但亦須酌量馬力倘有不足即撤兵與富德暫回伊

犁再圖進取朕於他人每降旨督催伊天性勇往故

降此旨著傳諭知之是月車布登扎布由固爾班察

爾進屯阿布勒噶爾哈薩克縛獻布庫察罕車布

登扎布因請馳赴阿克蘇策應將軍兆惠

命還駐伊犁晉親王品級九月

諭曰撫定回部已有兆惠納穆扎爾等自易竣事車布

登扎布軍營効力已久撤兵後即歸游牧休息二十

四年春偕車木楚克扎布率兵千越阿爾台捕嗎

哈沁

詔沿途偵緝阿巴噶斯哈丹及綽囉斯台吉烏勒木濟  
夏

詔由塔爾巴噶台赴特穆爾圖諾爾協勦霍集占會將  
軍兆惠已率兵進葉爾羌

諭車布登扎布由博羅呼濟爾還駐伊犁冬十月以追  
嗎哈沁賊不力

訓飭之十二月入

觀

賜宴遣歸尋授所部副將軍二十五年

命圖形

紫光閣

御製贊曰拍馬彎弓無敵所向不曾讀書如古名將和  
落霍斯少勝彼衆超勇親王額駙之子二十七年奉  
使西藏三十三年入

觀

賜第京師三十六年授定邊左副將軍尋授盟長三十

八年以牟利為同部貝子品級齊旺多爾濟所許

詔罷左副將軍職三十九年車布登扎布年七十

賜無量壽佛及珊瑚朝珠四圍龍服四十四年授議政

大臣

上追念其擊賊和落霍斯功

命繪圖以

賜四十五年以擅請展牧界削親王品級四十六年

諭曰車布登扎布敘歷戎行戰功懋著由台吉游封郡

王兼授扎薩克著恩予世襲罔替四十七年卒子三

丕勒多爾濟襲

一次襲三丕勒多爾濟車布登扎布長子乾隆四

十七年襲扎薩克多羅郡王

命御前行走

扎薩克多羅郡王袞布列傳

今襲多  
羅貝勒

袞布喀爾喀部人姓博爾濟吉特扎薩克親王善

巴叔祖為賽因諾顏圖蒙肯第十三子康熙元年  
右翼扎薩克圖汗旺舒克為羅卜藏台吉額琳沁  
所戕衆布率左翼兵擊走額琳沁土謝圖汗察珲  
多爾濟嘉其勇授昆都倫博碩克圖號二十五年  
赴庫倫伯勒齊爾盟

詔授扎薩克二十七年為噶爾丹所掠集衆來歸二十九

年三月尚書阿喇尼統大軍禦噶爾丹謀衆布居  
額爾古納河謀內徙遣郎中馬廸往迎渡克嚕倫

河而南時噶爾丹居阿爾坦額默爾在克魯倫河  
北由烏爾順喀爾喀二河來追袞布敗走阿喇尼

援之噶爾丹遁

諭袞布移牧內汎三十年迎

觀多倫諾爾

詔封多羅郡王仍兼扎薩克三十二年

上幸塞外

駐蹕齊老圖昂阿袞布來朝

優賜之

命遣偵噶爾丹三十五年隨撫遠大將軍費揚古敗噶爾丹於昭莫多復遣屬色爾濟等赴齊斯希特克木齊克迎和託輝特貝勒根敦凱旋獻俘獲厄魯特畜械

命賚之仍隨軍聽調是年十月遣屬烏勒木濟偕土謝圖汗部郡王固嚕什喜屬阿玉什等齎

敕諭厄魯特台吉阿喇布坦絕噶爾丹來降十二月以兵

緝厄魯特逸賊三十六年噶爾丹竄斃朔漠平

遣歸游牧四十七年卒子二長額琳沁降襲多羅貝勒次

都噶爾扎布孫額墨根授扎薩克台吉別有傳

一次襲額琳沁袞布長子康熙三十五年隨撫遠

大將軍費揚古敗噶爾丹於昭莫多四十七年襲

扎薩克多羅貝勒四十九年

諭曰貝勒額琳沁於喀爾喀部為尊行人甚老成昭莫多之捷伊從征亦甚奮勉伊父本係郡王著加恩晉襲原

爵出缺時仍襲貝勒是年卒子吹扎木三襲

二次襲吹扎木三額琳沁長子康熙五十年襲扎  
薩克多羅貝勒五十六年隨大軍進勦策妄阿喇  
布坦雍正元年卒子納木扎勒齊素龍襲

三次襲納木扎勒齊素龍吹扎木三長子雍正二  
年襲扎薩克多羅貝勒九年準噶爾賊由阿濟入  
掠納木扎勒齊素龍偕扎薩克圖汗部貝勒班第  
台吉根敦等徙居色楞額河南北岸保護游牧十

年隨大軍擊賊克爾森齊老獻馬助軍得紀錄乾  
隆十八年杜爾伯特台吉車凌等降納木扎勒齊  
素囉率兵百餘馳會參贊大臣達青阿禦準噶爾  
追兵尋赴扎布堪塔本托羅海駐防十九年偕土  
謝圖汗部郡王桑齋多爾濟等屯鄂爾海喀喇烏  
蘇復遣長子一等台吉旺沁多爾濟從軍二十年  
正月大軍勦達瓦齊獻馬助五月以兵三百緝杜  
爾伯特逃賊巴朗復偕同部貝子車布登扎布等

追達瓦齊至沙喇雅雅嶺達瓦齊尋就擒軍旋赴  
哈勒巴烏蘭駐防二十一年隨定邊左副將軍哈  
達哈勦烏梁海賊郭勒卓輝博博等因進討哈薩  
克敗其汗阿布賚兵

賜雙眼孔雀翎

命還軍營督牧駝馬二十五年卒子齊默特多爾濟襲  
四次襲齊默特多爾濟納木扎勒齊素嚙第三子  
乾隆二十五年襲扎薩克多羅貝勒二十七年扈

駕木蘭行園

賜雙眼孔雀翎尋授所部副將軍參贊四十六年  
諭曰齊默特多爾濟之始祖袞布本喀爾喀舊扎薩克  
首先來歸封郡王爵嗣降襲貝勒已歷四世著加恩  
令其世襲罔替

欽定外藩蒙古回部王公表傳卷之七十一

欽定四庫全書

欽定外藩蒙古回部王公表傳卷之七十二

傳第五十六

扎薩克鎮國公托多額爾德尼列傳

今襲多  
羅郡王

托多額爾德尼喀爾喀部人姓博爾濟吉特扎薩  
克親王善巴再從弟祖卓特巴號車臣諾顏為賽  
因諾顏圖蒙肯長子有子三長齊滿生本塔爾子  
圖巴授扎薩克台吉別有傳次察斯希布子齊旺

多爾濟次索諾木和碩齊子二長烏巴達次即托  
多額爾德尼康熙二十七年托多額爾德尼從烏  
巴達攜衆來歸

詔附烏喇特界游牧先是噶爾丹自杭愛山越圖拉河轉  
畧克嚕倫所部多潰走托多額爾德尼獨拒戰殺  
傷畧相當賊衆稍衰有兩人共一騎及削木為仗  
者二十九年三月偵噶爾丹居巴顏烏蘭偕同族  
素泰伊勒登以兵三千隨侍郎溫達赴圖拉遏準

噶爾歸路十月自軍營入

觀

優齊之三十年迎

觀多倫諾爾

詔封扎薩克鎮國公復以厄魯特巴圖爾額爾克濟農和  
囉理既降復叛

命備禦之尋和囉理乞降罷兵初托多額爾德尼無嗣以  
從兄齊旺多爾濟子策旺諾爾布為已子請備宿

衛

許之三十一年托多額爾德尼卒時策旺諾爾布在京

詔烏巴達襲鎮國公

一次襲烏巴達托多額爾德尼兄康熙三十二年

襲扎薩克鎮國公三十五年大軍敗噶爾丹

詔烏巴達偕同族郡王亥布等沿邊偵緝三十六年叛賊

伊拉古克三呼圖克圖竄伏黃河西岸謀叛汎馬

諭防緝之四十九年卒子巴穆襲

二次襲巴穆烏巴達長子康熙五十年襲扎薩克  
鎮國公五十一年卒

詔以托多額爾德尼嗣子策旺諾爾布襲鎮國公爵而改  
授巴穆子諾爾布扎布為扎薩克一等台吉自有  
傳

三次襲策旺諾爾布托多額爾德尼嗣子初授侍  
衛擢內大臣上駟院卿兼蒙古正黃旗佐領康熙  
五十一年襲扎薩克鎮國公五十五年閏三月以

青海右翼台吉羅卜藏丹津察罕丹津達顏與左

翼台吉額爾德尼額爾克托克托鼐阿喇布坦俄

木布構釁

詔偕侍衛布達哩蒞盟諭令和好五十六年策妄阿喇布

坦遣袞凌敦多卜潛兵擾西藏

詔策旺諾爾布偕侍衛阿齊圖等駐噶斯偵禦之五十七

年三月侍衛色楞奉

命援西藏廷臣議檄策旺諾爾布及四川總督額倫特都

統瑚錫圖赴噶順固木護青海額倫特請令瑚錫  
圖以兵千駐噶順固木已與色楞分路進藏策旺  
諾爾布復請令額倫特瑚錫圖同駐噶順固木

上以兩奏互異

訓飭之尋議瑚錫圖駐守色楞額倫特進勦策旺諾爾布  
繼援九月色楞額倫特擊賊於喀喇烏蘇齊諾郭  
勒乘勝深入以兵寡戰歿策旺諾爾布援弗至全

軍還

詔優恤色楞額倫特他日

諭廷臣曰色楞額倫特固屬失機但策旺諾爾布係隨往接應之兵而遲延不進致前軍失援戰歿雖伊所統克全兵丁固屬感念於國事有何裨益五十八年四月撫遠大將軍固山貝子允禩奉

命駐西寧檄策旺諾爾布偕副都統寶色等防索羅木策旺諾爾布請檄青海兵六百守軍營尋由索羅木護自西藏來歸之扎穆揚善木巴等至西寧時裏

塘達賴喇嘛瑚畢勒罕羅卜藏噶勒藏嘉穆錯居  
西寧唐古特人以其部拉藏汗爲大策凌敦多卜  
所戕願迎達賴喇嘛瑚畢勒罕歸置禪榻允禩以  
聞

諭集青海王台吉等定議并

召策旺諾爾布等入奏五十九年正月羅卜藏噶勒藏嘉  
穆錯封第六世達賴喇嘛

詔策旺諾爾布參贊平逆將軍延信軍護往西藏八月由

卜克河進屯齊諾郭勒綽瑪喇擊敗準噶爾賊謀  
定西將軍噶爾弼率雲南四川兵由拉里抵藏馳  
進奏凌敦多卜道西藏平軍旋六十年三月策旺  
諾爾布復奉

命隨延信駐藏尋延信病

召還噶爾弼代復病

詔策旺諾爾布佩定西將軍印代之雍正元年三月

命撤兵還先是策旺諾爾布赴青海蒞盟時羅卜藏丹津

僞從命既而背盟謀脅衆據西藏與準噶爾連和  
有諾顏哈什漢及台吉巴勒珠爾者策旺諾爾布  
同族居青海聞其謀先後密遣人告策旺諾爾布  
四月策旺諾爾布奏言臣聞羅卜藏丹津負

恩倡逆自取滅亡以臣愚見青海台吉等彼此不睦骨肉  
離析各逞已見羅卜藏丹津又甚糊塗酗酒失人  
心伊雖傳集會盟度衆人無不感戴

養育深恩未必與伊同逆但事有關係不可不預為防備

臣現行文駐劄西寧侍郎常壽雲貴總督高其倬等一體偵欒疏至

上命常壽馳赴青海宣

諭羅卜藏丹津至則羅卜藏丹津已叛十月大軍進討明年羅卜藏丹津為大軍所敗竄準噶爾青海平策旺諾爾布由西寧入

覲

詔獎進歲功晉封固山貝子

賜三眼孔雀翎四年授副盟長十年因老乞休

許之子車木楚克扎布襲鎮國公

四次襲車木楚克扎布策旺諾爾布長子雍正十  
年隨大軍擊準噶爾於克爾森齊老及額爾德尼

昭有功

優賚之

命乾清門行走是年襲扎薩克鎮國公乾隆三年

諭曰車木楚克扎布之父策旺諾爾布當

世宗憲皇帝時內廷行走宣力有年嗣駐藏奮勉由鎮國公晉封貝子前因年老予告以車木楚克扎布降襲鎮國公今觀車木楚克扎布効力軍營亦屬奮勉著加恩令其晉襲貝子六年參贊大臣副都統慶泰奉命赴桑錦托羅海閲防秋兵以車木楚克扎布旗軍容整獎賚之十八年偕副都統達青阿駐防烏里雅蘇台偵準噶爾宰桑禡木特以兵二百入汎追來降之杜爾伯特台吉車凌車凌烏巴什車凌蒙克馳由

巴顏珠爾克博托和尼溝往禍木特揚言其  
部台吉噶爾藏多爾濟阿睦爾撒納將至因遣報  
定邊左副將軍親王成袞扎布發兵援而自赴車  
凌車凌烏巴什所諭速徙烏里雅蘇台車凌蒙克  
後至復令由庫密固爾河入西爾哈瀚海禍木特  
蹙馳遁車木楚克扎布等追之不及

詔責其疎縱飭偕達青阿擒賊自效禍木特尋就擒復

釋還

諭偕同部貝子沙克都爾扎布等以兵二千赴卓克索

駐防

賜雙眼孔雀翎十九年購馬六千解軍隨參贊大臣薩拉爾以兵千餘擊烏梁海寧桑察達克於察罕烏蘇還至沙噶扎海迎會參贊大臣努三軍捕寧桑通禡木特等獲之降其衆叙功

賜貝勒品級

優賚之

命隨參贊大臣烏爾登赴塔本托羅海駐防二十年隨  
大軍勒達瓦齊由巴里坤至珠勒格圖偕杜爾伯  
特公瑪什巴圖等以兵三百前行擒準噶爾宰桑伊  
勒巴爾屬復奉定邊右副將軍薩拉爾檄偕阿拉  
善貝勒羅卜藏多爾濟杜爾伯特貝勒色布騰益  
兵七百招降扎哈沁宰桑敦多布布魯古特台吉  
諾海奇齊克輝特台吉敦博勒達克噶勒雜特宰  
桑哈薩克錫喇等謀達瓦齊居格登阻伊犁河疾

引兵由博囉塔拉赴哈塔濟勒渡奪其舟大軍合  
兵進擊達瓦齊遁車木楚克扎布以兵四百會諸  
將分路追達瓦齊尋就擒偕扎薩克圖汗部輔國  
公旺布多爾濟攜所部兵還會逆賊阿睦爾撒納  
叛布庫努特宰桑敦多克曼集等附逆車木楚克  
扎布偕台吉唐古特追擊之誅其衆復乘勝與旺  
布多爾濟勦叛黨阿巴噶斯哈丹等游牧

詔嘉其功

賜三眼孔雀翎

諭隨定西將軍策楞由博囉塔拉復赴伊犁二十一年

四月師旋縛獻阿巴噶斯哈丹臧屬請駐巴里坤

勦逸賊

諭曰爾等自去歲効力軍營往返勞頓今不過弋捕逸犯母庸多人可歸游牧休息七月以車木楚克扎布

游牧距驛近

詔轄汎務會和託輝特逆賊青袞咱卜叛梗驛車木楚

克扎布督兵續之軍書乃達

詔晉封多羅貝勒閏九月

諭曰比者車木楚克扎布接續驛站朕已優封貝勒今復自伊游牧解送駝馬助軍著加恩於軍需項內將此項牲畜折價賞給十二月青袞咱卜就擒親王成袞扎布表車木楚克扎布隨征功

詔晉郡王品級二十二年四月偕參贊大臣唐喀祿率兵八百赴阿爾台緝逃賊哈薩克錫喇以察罕郭

勒為要隘馳往偵禦八月偕唐喀祿奏言杜爾伯  
特貝勒巴圖博羅特公舍稜台吉阿喇善等通阿  
逆走額爾齊斯不從其汗車凌徙牧臣等偵得狀  
偕副都統瑚爾起馳赴輝巴朗山後擒巴圖博羅  
特等并勦烏梁海賊五十戶乃旋兵赴塔爾巴噶  
台緝哈薩克錫喇

諭嘉和衷且協機宜以

御用佩飾

賜之飭叙加級九月

諭偕郡王車布登扎布撫烏梁海以宰桑博和勒納木  
扎勒等不即降烏梁海內大臣察達克率兵四百  
往招車木楚克扎布檄布延圖兵百繼進盡降之  
有特勒伯克扎爾納克者阿勒坦諾爾之烏梁海  
宰桑也聞之亦攜屬至

詔車木楚克扎布定貢賞例宣示德意十二月

諭曰車木楚克扎布數年宣力戎行勤勞懋著近復招

降烏梁海善為撫納著晉封多羅郡王二十三年春  
奏偕察達克勘烏梁海戶口其得秦有十餘戶二  
十餘戶不等分置得木齊收楞額等員請併戶少  
者約四十戶編得秦一

上知其悉烏梁海情

詔如所請夏

命護理盟長印偕親王成袞扎布勦詭降之土爾扈特  
台吉舍稜偵遁俄羅斯乃還秋烏梁海總管阿喇

善恩克等叛竄車木楚克扎布偕扎薩克圖汗部  
公品級多岳特分勦阿喇善及恩克屬就擒謀恩  
克竄哈屯河疏請暫歸阿勒和碩屯駐冬雪後賊  
必就擒

許之冬果擒恩克

優賚幣二十四年四月副將軍郡王車布登扎布赴塔  
爾巴噶台捕嗎哈沁

命車木楚克扎布參贊其軍七月進伊犁緝逃賊十二

月

召覲京師

賜宴

獎賚二十五年隨車布登扎布擒掠烏梁海之哈薩克  
賊巴圖克巴圖爾二十六年復勦嗎哈沁色布騰  
逸走追不力

訓飭之會俄羅斯擒獻色布騰仍

賚幣十二月授副盟長三十六年授所部副將軍四十

三年卒子貢楚克扎布襲

五次襲貢楚克扎布車木楚克扎布長子乾隆二

十六年扈

駕木蘭行圍

賜孔雀翎三十七年

命乾清門行走四十四年襲扎薩克多羅郡王尋扈

駕行園

賜三眼孔雀翎及黃馬褂四十六年

諭曰貢楚克扎布始祖托多額爾德尼原封公爵嗣因

貢楚克扎布父車木楚克扎布歟歷戎行勲猷卓著

由鎮國公海封郡王著加恩令其世襲罔替

扎薩克鎮國公素泰伊勒登列傳

今襲多  
羅貝勒

素泰伊勒登喀爾喀部人姓博爾濟吉特扎薩克親王善巴族第

為賽因諾頗圖蒙肯弟巴賚之曾孫初隸土謝圖

汗察琿多爾濟駐牧翁吉布爾哈台康熙二十七

年來歸

牧四子部落界外察罕博托輝二十九年三月偕同族

台吉託多額爾德尼隨侍郎溫達赴圖拉河偵禦

噶爾丹十月自軍營入

覲

優賚三十年迎

覲多倫諾爾

詔封扎薩克鎮國公以厄魯特巴圖爾額爾克濟農和囉

理既降復叛

命備禦之尋和羅理乞降罷兵三十五年遣台吉車木朋  
偵噶爾丹踪馳報大將軍費揚古督兵敗之獻所  
獲

遣歸游牧四十二年卒子洪果爾降襲札薩克一等台吉  
一次襲洪果爾素泰伊勒登長子康熙四十二年  
襲札薩克一等台吉四十五年卒子阿努哩襲  
二次襲阿努哩洪果爾長子康熙四十五年襲扎  
薩克一等台吉五十年

諭嘉其歲入覲竭力抒誠晉封輔國公雍正九年準噶爾  
賊衆由阿濟入掠驛斷阿努哩疾自牧所聞之以  
兵迎達軍書且給驛糧

詔嘉之晉封固山貝子十一年署所部副將軍十二年疾

劇

遣歸游牧乾隆二年卒子多爾濟旺楚克襲

三次襲多爾濟旺楚克阿努哩長子乾隆二年襲

扎薩克固山貝子十五年卒子羅卜藏車璘襲

四次襲羅卜藏車璘多爾濟旺楚克長子乾隆十五年襲扎薩克固山貝子二十年大軍勒達瓦齊羅卜藏車璘偕協理台吉固穆扎布得木齊達什扎布督理烏蘭烏蘇及烏嚕木齊驛務會阿睦爾撒納叛逆黨阿巴噶斯哈巴等乘間劫驛羅卜藏車璘拒之戰死二十一年

諭曰貝子羅卜藏車璘為國捐軀甚屬可憫伊子台吉德木楚克扎布現辦接續軍臺事務亦甚奮勉出力

着加恩由貝子原爵晉封貝勒令德木楚克扎布襲五次襲德木楚克扎布羅卜藏車璘長子乾隆二

十一年襲札薩克多羅貝勒四十六年

諭曰朕因德木楚克扎布之父羅卜藏車璘死於王事德木楚克扎布又接續臺站有功施恩由貝子晉襲貝勒仍着加恩令其世襲罔替

欽定四庫全書

史部

欽定外藩蒙古回部王公表傳卷七十三至八

主事臣陳若霖覆校

總校官編修臣倉聖脉

欽定四庫全書

欽定外藩蒙古回部王公表傳卷之七十三

傳第五十七

扎薩克輔國公旺舒克列傳

旺舒克喀爾喀部人姓博爾濟吉特扎薩克親王  
善巴從子祖色爾濟穆生子德克德赫號墨爾根  
阿海即旺舒克父以隨扎薩克圖汗沙喇迎噶爾  
丹為土謝圖汗察琿多爾濟所殺見扎薩克圖汗

部傳康熙三十一年旺舒克迎

觀多倫諾爾

諭曰旺舒克之先累世納貢因喀爾喀兩汗交惡其父德

克德赫無辜被殺以致屬衆潰散窮困無依朕甚憫之

已命察還所屬俾復舊業著加恩封扎薩克輔國公三

十五年隨西路大將軍費揚古敗噶爾丹于昭莫

多三十六年以叛賊伊拉古克三呼圖克圖竄伏

黃河西岸謀劫汎馬

詔旺舒克偕同族扎薩克台吉圖巴丹津額爾德尼等設

汎防緝雍正元年卒子扎木禪襲

一次襲扎木禪旺舒克長子雍正元年襲扎薩克

輔國公十年

賜雙眼孔雀翎乾隆十年卒子巴圖蒙克襲

二次襲巴圖蒙克扎木禪長子乾隆十年襲扎薩  
克輔國公十八年偕同部鎮國公貢格敦丹等率  
兵千赴烏里雅蘇台駐防二十年大軍勦達瓦齊

巴圖蒙克偕車臣汗部郡王巴雅爾什第等率聲援兵三千繼進尋馳兵二百降穆哈齊得秦七十

戶

賜幣及佩飾以疾卒於軍子丹巴旌準襲

三次襲丹巴旌準巴圖蒙克長子乾隆二十一年

襲扎薩克輔國公尋

命乾清門行走四十六年

詔世襲罔替

扎薩克輔國公阿玉什列傳

阿玉什喀爾喀部人姓博爾濟吉特扎薩克親王  
善巴再從弟父濟雅克為賽因諾顏圖蒙肯第五  
子號偉徵諾顏阿玉什繼之康熙二十七年來歸  
三十年迎

觀多倫諾爾

詔授扎薩克一等台吉三十四年偕土謝圖汗部扎薩克  
台吉車木楚克納木扎勒赴綏克洪果爾偵噶爾

丹并備駝馬糗糧資弁兵同往者三十五年四月  
上親征噶爾丹阿玉什遣屬齊旺齊呼蘭等赴克嚕倫河  
為大軍嚮導凱旋

諭獎誠心効力調遣得宜封輔國公七月復偕車木楚克  
納木扎勒隨安郡王瑪爾琿護厄魯特降衆赴張  
家口外十月瑪爾琿還

諭偕員外郎舍稜留駐十二月以私歸游牧被劾

上詢知舍稜實倡議宥勿問三十六年扈

駕幸寧夏還渡黃河

詔留阿玉什與車木楚克納木扎勒由冰驛扈

蹕他扎薩克皆登陸遄歸游牧三十九年卒子帕克巴扎

布先卒孫旺扎勒襲

一次襲旺扎勒阿玉什孫康熙三十九年襲扎薩

克輔國公乾隆十二年卒子三都克車木伯勒襲

二次襲三都克車木伯勒旺扎勒長子乾隆十二

年襲扎薩克輔國公二十五年以病罷子車登扎

布襲

三次襲車登扎布三都克車木伯勒長子乾隆二

十五年襲扎薩克輔國公二十九年卒

詔三都克車木伯勒仍復原職

四次襲三都克車木伯勒乾隆二十九年復襲扎

薩克輔國公三十五年卒車登扎布子噶爾瑪襲

五次襲噶爾瑪車登扎布長子乾隆三十五年襲

扎薩克輔國公四十六年

諭曰噶爾瑪所襲輔國公係伊始祖阿玉什在軍營効力晉封之爵著加恩令其世襲罔替

扎薩克輔國公車稜達什列傳

車稜達什喀爾喀部人姓博爾濟吉特扎薩克親王善巴次子康熙四十六年析其兄親王達什敦多布屬別為一旗令轄之授扎薩克一等台吉尋以協濟軍需功

諭曰大軍出征以來扎薩克台吉車稜達什供應駝馬羊

隻奮勉効力甚屬可嘉前者車臣汗烏默客之叔父台  
吉三濟扎布曾以助辦軍需優封公爵車稜達什事同  
一例著加恩封輔國公仍兼扎薩克雍正二年卒子三  
長敦多布額琳沁次貢格次三都克扎布相繼襲  
一次襲敦多布額琳沁車稜達什長子雍正二年  
襲扎薩克輔國公八年卒子色訥依襲  
二次襲色訥依敦多布額琳沁長子雍正八年襲  
扎薩克輔國公乾隆八年卒無嗣

詔其叔父貢格襲

三次襲貢格車稜達什次子乾隆八年襲扎薩克輔國公十四年卒子車登扎布幼停襲輔國公詔授貢格弟三都克扎布為扎薩克一等台吉

四次襲三都克扎布車稜達什第三子乾隆十四年襲扎薩克一等台吉二十四年

諭曰車稜達什之扎薩克輔國公原係恩封承襲四次至車登扎布以年幼停襲現在車登扎布已卒三都

克扎布係車稜達什幼子自補授扎薩克以來奮勉急公協濟軍需屢邀紀錄著加恩仍承襲輔國公尋命督理驛務二十六年卒子敏珠爾多爾濟襲

五次襲敏珠爾多爾濟三都克扎布長子乾隆二十六年襲扎薩克輔國公四十三年以病罷子車登扎布襲

六次襲車登扎布敏珠爾多爾濟長子與貢格子車登扎布同名乾隆四十三年襲扎薩克輔國公

四十六年

詔世襲罔替

扎薩克輔國公諾爾布扎布列傳

諾爾布扎布喀爾喀部人姓博爾濟吉特扎薩克  
鎮國公巴穆長子康熙五十一年授扎薩克一等  
台吉先是諾爾布扎布叔祖托多額爾德尼封鎮  
國公卒嗣子策旺諾爾布

召居京師官內大臣托多額爾德尼兄烏巴達襲鎮國公

即諾爾布扎布祖也烏巴達卒巴穆襲至是巴穆  
卒

命策旺諾爾布襲其父鎮國公爵而以諾爾布扎布為一  
等台吉別授扎薩克雍正九年隨大軍由蘇克阿  
勒達呼敗準噶爾賊衆十年復擊之於克爾森齊  
老及額爾德尼昭並

優賚之乾隆元年叙功

詔封輔國公

賜孔雀翎五年卒子達木布多爾濟襲

一次襲達木布多爾濟諾爾布扎布長子乾隆五年襲扎薩克輔國公六年參贊大臣副都統慶泰奉

命赴桑錦托羅海閱防秋兵以達木布多爾濟旗軍容整獎賚之九年卒子貢楚克襲

二次襲貢楚克達木布多爾濟長子乾隆九年襲

扎薩克輔國公扈

駕木蘭行圍

賜孔雀翎四十六年

諭曰貢楚克所襲輔國公係伊祖諾爾布扎布在軍營奮勉効力由扎薩克台吉晉封之爵著加恩令其世襲罔替

原封貝子品級扎薩克一等台吉齊旺多爾濟列

傳今襲公  
品級

齊旺多爾濟喀爾喀部人姓博爾濟吉特扎薩克

親王德沁扎布次子初授一等台吉乾隆十八年  
獻駝馬助軍得紀錄尋扈

駕木蘭行圍

賜孔雀翎十九年復獻馬請從征達瓦齊  
許之

賜公品級仍予紀錄二十年偕車臣汗部郡王巴雅爾  
什第等率聲援兵從大軍進剿達瓦齊伊犁定軍  
還

命乾清門行走

賜黃馬褂二十二年齊旺多爾濟以病不能赴軍請獻  
馬五百免給值

上嘉其誠

賜貝子品級二十四年其父德沁扎布奏本旗丁戶滋  
衆請增編佐領授齊旺多爾濟轄別為一旗

詔從其請授扎薩克二十五年扈

駕木蘭行圍

賜雙眼孔雀翎先是齊旺多爾濟凌其兄親王諾爾布  
扎布為定邊左副將軍車布登扎布所斥憾之三

十八年許其年利

詔大臣往勘罷車布登扎布左副將軍職尋

命鞠齊旺多爾濟凌兄事堅不服

詔削貝子品級及扎薩克交理藩院嚴加鈐束勿令歸

牧滋事仍

恩授其子三都布多爾濟為扎薩克一等台吉降襲

公品級

一次襲三都布多爾濟齊旺多爾濟長子乾隆三十八年襲公品級扎薩克一等台吉四十六年理藩院議三都布多爾濟所襲公品級例弗應世襲請視扎薩克圖汗部公品級多岳特例俟出缺時請

旨

諭曰三都布多爾濟之父齊旺多爾濟獲罪削職原係

私罪其貝子品級扎薩克台吉自應削除不准承襲  
朕復加恩令三都布多爾濟襲公品級扎薩克台吉  
今廷臣既以例弗予襲入奏著即照多岳特例一體  
辦理

欽定外藩蒙古回部王公表傳卷之七十三

欽定四庫全書

欽定外藩蒙古回部王公表傳卷之七十四

傳第五十八

扎薩克一等台吉阿哩雅列傳今襲鎮國公

阿哩雅喀爾喀部人姓博爾濟吉特扎薩克親王善巴從子曾祖錫納喇克沙特為賽因諾顏圖蒙肯第十子號琿台吉居克嚕倫領所部扎薩克子二長齊巴克塔爾次薩木濟特齊巴克塔爾號車臣

諾顏以附噶爾丹為和託輝特貝勒根敦所執子布尼早死遺子一即阿哩雅幼為薩木濟特所虐有阿爾薩蘭衛宰桑者齊巴克塔爾舊屬也翼阿哩雅與薩木濟特異居康熙三十一年攜衆來歸時薩木濟特已嗣扎薩克阿哩雅屬不願隸之詔授阿哩雅一等台吉兼扎薩克并

命阿爾薩蘭衛宰桑協理旗務先是阿爾薩蘭衛宰桑偵噶爾丹自烏蘭布通敗歸邀擊之擒台吉丹津哈

什哈阿玉奇等至是以獻

諭獎之三十二年由克嚕倫移牧鄂爾坤及圖拉界三十年噶爾丹掠克嚕倫遣人誘車臣汗烏默客被擒阿哩雅亦自俄僂俘其黨津巴至三十五年夏大軍敗噶爾丹

詔阿哩雅追捕逸賊會朋素克格隆以諭降噶爾丹被留還遇阿哩雅軍與偕行至特勒爾濟謀厄魯特數百竄河畔烟起犬吠亟往捕盡俘之還秋遣兵駐

防汗阿林尋

命徒屬赴達哩剛愛與土謝圖汗部扎薩克台吉車琳扎

布同牧冬

上幸歸化城阿哩雅暨阿爾薩蘭衛宰桑來朝

命偕扎薩克圖汗部郡王色稜阿海等較射時車琳扎布

亦至

上念二人飭屬執訊有功

諭獎之尋扈

駕還京

宴賚遣歸五十四年和託輝特公博貝奉

命勦烏梁海以阿哩雅及台吉濟納彌達根敦羅卜藏三

扎薩克兵俱習戰請令隨勦

諭阿哩雅選兵赴調未幾卒子格木丕勒襲

一次襲格木丕勒阿哩雅長子康熙五十四年襲

扎薩克一等台吉雍正九年隨大軍擊準噶爾賊  
於蘇克阿勒達呼

獎賚之十年隨額駙郡王策凌擊賊克爾森齊老力戰被創歸察罕度爾營療少愈仍請擊賊順承親王錫保壯其勇授兵三千由喀喇阿濟爾罕追餘賊越阿爾台至畢濟嶺斬獲甚衆順承親王以

聞

諭曰格木丕勒去歲懋著勞績今復奮勇勦賊被創愈奮深可嘉予著封輔國公以示獎勵乾隆二年晉鎮國公三年偕扎薩克圖汗部公品級敏珠爾告所屬收

產損生計艱請展游牧至諾克圖額駙策凌代奏  
上因與準噶爾議界未定

諭弗允十四年卒子貢格敦丹襲

二次襲貢格敦丹格木丕勒長子乾隆十四年襲  
扎薩克鎮國公十八年偕車臣汗部副將軍公格  
埒克巴木丕勒等駐烏里雅蘇台防護杜爾伯特  
降衆十九年正月隨參贊大臣薩拉爾擒擅入內  
汛之烏梁海得木齊瑚圖克扎木禪等

賜孔雀翎六月叅贊大臣烏爾登調赴察罕扎拉烏魯  
格依諾爾駐防十月偕同部貝子車布登扎布由  
科布多收烏梁海宰桑車根屬盡降之

上嘉其功

召覲定北將軍班第以貢格敦丹從叅贊大臣努三駐  
防齊齊克諾爾請緩入

覲期

允之

諭敘予紀錄仍

齊幣二十年偕副都統齊旺侍衛圖倫楚由齊齊克諾爾追緝杜爾伯特逃賊巴朗會色沁寧桑阿克珠勒棄牧遁貢格敦丹奉親王成袞扎布檄以兵四百赴哈達青吉勒與協理台吉圖巴扎布察哈爾叅領碩博郭勒等追擊之尋由哈達青吉勒馳會大軍渡伊犁進剿達瓦齊軍還貢格敦丹隨定北將軍班第留駐伊犁阿睦爾撒納叛賊黨克什木

巴蘇泰都噶爾等擾伊犁班第遇害貢格敦丹偕  
土謝圖汗部郡王車稜拜都布車臣汗部貝勒旺  
沁扎布擊賊弗克車稜拜都布旺沁扎布皆陣歿  
貢格敦丹突圍出迎會定邊右副將軍薩拉爾時  
定西將軍策楞引大軍復赴伊犁貢格敦丹偕協  
理台吉博爾綽對由珠勒都斯間道至

上念喀爾喀諸扎薩克隨班第留駐伊犁猝遇叛賊以  
兵寡被困

詔策楞傳旨慰諭令歸牧休示恤貢格敦丹跪言世受國恩無可圖報願擊賊自効策楞代奏

許之二十一年三月伊犁復定貢格敦丹隨大軍撫被

難軍民七月隨貝勒車布登扎布征哈薩克路遇

固爾班和卓遁擊其衆尋敗哈薩克汗阿布賚兵

十月師旋

賜雙眼孔雀翎貢格敦丹復請從勦和託輝特逆賊青

袞咱卜十二月青袞咱卜就擒

遣歸游牧三十五年卒子當蘇嚙襲

三次襲當蘇嚙貢格敦丹長子乾隆三十五年襲

扎薩克鎮國公四十六年

諭曰當蘇嚙始祖阿哩雅初封扎薩克台吉嗣因其子  
格木丕勒効力軍營懋著勞績晉封鎮國公至當蘇  
嚙又襲二世著加恩令其世襲罔替四十七年卒子

齊旺達什襲

四次襲齊旺達什當蘇嚙長子乾隆四十七年襲

扎薩克鎮國公

附輔國公多爾濟列傳

多爾濟扎薩克鎮國公貢格敦丹近族初授協理台吉乾隆二十年隨定北將軍班第勦達瓦齊平伊犁會阿睦爾撒納叛賊黨克什木等擾伊犁多爾濟奮擊之被執宰桑托克托博羅特留養其家二十一年伊犁復定多爾濟還

詔封輔國公

諭歸游牧二十七年復赴軍營道卒子沙克都爾扎布

襲

一次襲沙克都爾扎布多爾濟長子乾隆二十七年襲輔國公四十六年

諭曰沙克都爾扎布之父多爾濟効力軍營始終奮勉又因前往軍營中途病卒朕心深為憫惻是以令沙克都爾扎布仍襲公爵著加恩令其世襲罔替

扎薩克一等台吉圖巴列傳

今襲輔國公

圖巴喀爾喀部人姓博爾濟吉特扎薩克鎮國公  
托多額爾德尼從子父本塔爾號岱青楚琥爾諾  
顏駐牧庫倫伯勒齊爾康熙二十七年來歸二十  
八年授扎薩克

詔居四子部落界外察罕博托輝三十年本塔爾卒

詔授圖巴為扎薩克一等台吉以厄魯特巴圖爾額爾克

濟農和囉理既降復叛

命備欒之尋和囉理乞降罷兵三十六年

遣歸牧以叛賊伊拉古克三呼圖克圖竄伏黃河西岸謀

劫汎馬

諭防緝之是年卒子實第襲

一次襲實第圖巴長子康熙三十六年襲扎薩克  
一等台吉五十八年卒子齊旺襲

二次襲齊旺實第長子康熙五十八年襲扎薩克

一等台吉雍正九年偕土謝圖汗部貝勒車布登  
等隨大軍擊準噶爾于蘇克阿勒達呼

諭優叙十年賊掠克爾森齊老喀爾喀衆扎薩克懼不敵  
或棄軍歸牧獨齊旺隨額駙駕凌督兵至額爾德  
尼昭據險奮擊之斬獲甚衆

詔獎其功封輔國公

賜雙眼孔雀翎乾隆十九年偕土謝圖汗部郡王桑齊多  
爾濟等駐防鄂爾海喀喇烏蘇尋徙杜爾伯特降  
衆置其地護視之二十一年和託輝特逆賊青袞  
咱卜叛齊旺私歸游牧

宥勿問

命赴科布多督理驛務二十二年以病罷子達什襲

三次襲達什齊旺長子乾隆二十二年襲扎薩克

輔國公定邊左副將軍親王成袞扎布表其督驛

稱職

諭獎之

賜孔雀翎三十一年成袞扎布復以哈什圖五站雪盛

捐畜達什酌撥各游牧餘馬供使無悞入奏

詔晉封鎮國公四十五年卒子喇嘛扎布襲

四次襲喇嘛扎布達什長子乾隆四十五年襲扎

薩克輔國公四十六年

諭曰喇嘛扎布所襲輔國公係因伊祖齊旺在軍營奮  
勉効力封鎮國公減等承襲之爵著加恩令其世襲

罔替

欽定外藩蒙古回部王公表傳卷之七十四